

თელავის მუნიციპალიტეტის საკრებულოს
სივრცით ტერიტორიული დაგეგმარების, ინფრასტრუქტურის და ბუნებრივი
რესურსების კომისიის სხდომის

ოქმი N 4

ქ. თელავი

2018 წლის 9 მარტი

თავმჯდომარეობდა: კომისიის თავმჯდომარე: დავით ლაღანიძე

სხდომას ესწრებოდნენ კომისიის წევრები: გიორგი ჩაბრაშვილი, ზაქარია
ყარასაშვილი, ბესიკ გაიპარაშვილი, გოჩა
წაწალაშვილი, ზურაბ მუსაევი, ვასილ
არაბული, ალექსანდრე კუპატაძე, არჩილ
თვალაიაშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს
თავმჯდომარის მოადგილე გიგა ორკოდაშვილი, თელავის მუნიციპალიტეტის
საკრებულოს სივრცით ტერიტორიული დაგეგმარების, ინფრასტრუქტურის და
ბუნებრივი რესურსების კომისიის მოწვეული სპეციალისტი დავით ნუსხელიძე,
თელავის მუნიციპალიტეტის მერიის იურიდიული სამსახურის უფროსი ლევან
ბერძენაშვილი, თელავის მუნიციპალიტეტის მერიის ინფრასტრუქტურის, სივრცითი
მოწყობის, მშენებლობის, არქიტექტურისა და ძეგლთა დაცვის სამსახურის უფროსი
მალხაზი ბალუაშვილი.

დ ღ ი ს წ ე ს რ ი გ ი:

1. თელავის მუნიციპალიტეტის ტერიტორიაზე მწვანე ნარგავების მოვლისა და
აღდგენის წესის პროექტის განხილვის შესახებ.

მომხს. დ. ლაღანიძე

2. თელავის მუნიციპალიტეტის ტერიტორიაზე სამშენებლო სამუშაოების ან მშენებლობის ეტაპის მშენებლობის ნებართვით დადგენილ ვადაში დაუსრულებლობისთვის ჯარიმის ოდენობის განსაზღვრისა და ადმინისტრაციულ სამართალდარღვევათა საქმისწარმოების წესის პროექტის განხილვის შესახებ.

მომხს. დ. ღაღანიძე

3. ბინათმესაკუთრეთა ამხანაგობების აღრიცხვისა და ბინათმესაკუთრეთა ამხანაგობების განვითარების ხელშეწყობის განსახორციელებლად გათვალისწინებული თანხების განკარგვის წესის პროექტის განხილვის შესახებ.

მომხს. დ. ღაღანიძე

მოისმინეს: თელავის მუნიციპალიტეტის ტერიტორიაზე მწვანე ნარგავების მოვლისა და აღდგენის წესის პროექტის განხილვა.

მომხსენებელმა აღნიშნა, რომ წარმოდგენილი პროექტის მიზანია თელავის მუნიციპალიტეტის ტერიტორიაზე არსებული მწვანე ნარგავების ეკოლოგიური წონასწორობის, მწვანე ნარგავების მოვლისა და აღდგენის ღონისძიებების ჩატარებისას წარმოშობილი სამართლებრივი ურთიერთობების რეგულირება.

აზრი გამოთქვეს: ლ. ბერძენაშვილმა აღნიშნა, რომ წინამდებარე პროექტი შემუშავებულია საქართველოს კანონის „საქართველოს ტყის კოდექსის“ და საქართველოს მთავრობის 2010 წლის 13 აგვისტოს №241 დადგენილების „ტყის მოვლისა და აღდგენის შესახებ“ ნორმების საფუძველზე. წესი განსაზღვრავს:

ა) მწვანე ნარგავების მოვლისა და აღდგენის წესს.

ბ) მოსაჭრელი ხეების უბნების გამოყოფის და ხეების მონიშვნის წესს.

გ) მწვანე ნარგავების აღრიცხვის უწყისის წარმოების წესს.

დადგენილების პროექტის დამტკიცება გამოიწვევს ქ. თელავის მუნიციპალიტეტის საკრებულოს 2014 წლის 06 ოქტომბრის №40 და თელავის მუნიციპალიტეტის საკრებულოს 2014 წლის 25 სექტემბრის №31 დადგენილების ძალადაკარგულად გამოცხადებას.

გადაწყვიტეს: თელავის მუნიციპალიტეტის ტერიტორიაზე მწვანე ნარგავების მოვლისა და აღდგენის წესის პროექტი წარედგინოს საკრებულოს ბიუროს განსახილველად.

მოისმინეს: თელავის მუნიციპალიტეტის ტერიტორიაზე სამშენებლო სამუშაოების ან მშენებლობის ეტაპის მშენებლობის ნებართვით დადგენილ ვადაში დაუსრულებლობისთვის ჯარიმის ოდენობის განსაზღვრისა და ადმინისტრაციულ სამართალდარღვევათა საქმისწარმოების წესის პროექტის განხილვის შესახებ.

მომხსენებელმა აღნიშნა, რომ პროექტის მიზანია თელავის მუნიციპალიტეტის ტერიტორიაზე სამშენებლო სამუშაოების ან მშენებლობის ეტაპის მშენებლობის ნებართვით დადგენილ ვადაში დაუსრულებლობისათვის ჯარიმის ოდენობის განსაზღვრა და საქმისწარმოების წესის დამტკიცება.

პროექტის მიხედვით ჯარიმის ოდენობა ყოველგადაცილებულ დღეზე შეადგენს სამშენებლო პროექტით გათვალისწინებული ასაშენებელი(სადემონტაჟო) შენობა -ნაგებობების საერთო ფართის თითოეულ კვადრატულ მეტრზე-0,2 ლარს, რაც მისაღებია.

გადაწყვიტეს: თელავის მუნიციპალიტეტის ტერიტორიაზე სამშენებლო სამუშაოების ან მშენებლობის ეტაპის მშენებლობის ნებართვით დადგენილ ვადაში დაუსრულებლობისთვის ჯარიმის ოდენობის განსაზღვრისა და ადმინისტრაციულ სამართალდარღვევათა საქმისწარმოების წესის პროექტი წარედგინოს საკრებულოს ბიუროს განსახილველად.

მოისმინეს: ბინათმესაკუთრეთა ამხანაგობების აღრიცხვისა და ბინათმესაკუთრეთა ამხანაგობების განვითარების ხელშეწყობის განსახორციელებლად

გათვალისწინებული თანხების განკარგვის წესის პროექტის განხილვის შესახებ.

მომხსენებელმა აღნიშნა, რომ წარმოდგენილი წესით უნდა მოწესრიგდეს თელავის მუნიციპალიტეტის 2018 წლის ბიუჯეტით გათვალისწინებული მრავალბინიან საცხოვრებელ სახლებში ბინათმესაკუთრეთა ამხანაგობების წევრთა საერთო ქონების ექსპლუატაციისა და აუცილებელი სამუშაოების დაფინანსება, აგრეთვე ბინათმესაკუთრეთა ამხანაგობების აღრიცხვის პროცედურები და ამხანაგობების ურთიერთობები თელავის მუნიციპალიტეტის მერიასთან. პროექტის მე-10 მუხლში ჩამოყალიბებულია ის სამუშაოები, რომლის თანადაფინანსებაც მოხდება ადგილობრივი ბიუჯეტიდან და განსაზღვრულია ამხანაგობების წილობრივი მონაწილეობა სამუშაოების პროცესში.

გადაწყვიტეს: ბინათმესაკუთრეთა ამხანაგობების აღრიცხვისა და ბინათმესაკუთრეთა ამხანაგობების განვითარების ხელშეწყობის განსახორციელებლად გათვალისწინებული თანხების განკარგვის წესის პროექტი წარედგინოს საკრებულოს ბიუროს განსახილველად.

კომისიის თავმჯდომარე



დავით ღალანიძე